



## **Universitätsbibliothek Paderborn**

**De Adoratione Eucharistiæ**

**Boileau, Jacques**

**Viennae, 1743**

Cap. VII. Diluitur objectio Dallæi contra adorationem assumpta, ex eo quod veteres Christiani a sacro Eucharistiæ, non communicantes arcebant; hodie vero plerique non communicantes, solenniis ...

[urn:nbn:de:hbz:466:1-49201](#)

esse probavimus ; scilicet veteres  
Eucharistiam semper pro præsente  
numine habuisse , atque latræ cultu  
adorasse.

## CAPUT VII.

Diluitur objecto Dallæi contra adorationem assumpta, ex eo quod veteres Christiani a sacro Eucharistia, non communicantes arcebant; hodie vero plerique non communicantes, solenniis Missarum intersint.

**D**ifficile est nexus naturalem consecutionis hujus argumenti cum præmissis intelligere. **E**nimvero ex eo quod omnes qui sacris intererant, Eucharistiam participarent, colligere adorationem prætermissam fuisse, tam absurdum videtur, quam si quis hodie Presbyteros Eucharistiæ adorationem postponere concluderet, ex eo quod singulis Missis, quas celebrant, ipsi communicent semper. & Euchari-

stiam participant. Verumtamen cum placuerit Dallæo ejusmodi rationem credere, castigate & accurate retaliare non pigebit.

I. Non gravioris ponderis esse videntur argumenta, quibus probat semper Eucharistiæ communicasse, qui sacrae Liturgiæ celebrationi intererant: quibus annuere non recusamus.

Primum assumit ex *Apologia II. S. Justini Martyris* supra laudata, in qua hæc habentur: οἱ καλούμενοι πάσῃ ἡμῖν Ἀφίκενοι διδόσασιν ἐκάστῳ τὸν παρέγνων μεταλαβεῖν διποτὴς Εὐχαριστήσεται ἀρτός, ηὐώνυμος, ηὐδατός. Qui apud nos vocantur Diaconi, unicuique presentium dant vel porrigunt, ut participent panem & vinum & aquam, super quibus gratiæ adæ sunt. Enimvero eum eo tempore Christiani omnes singulari sanctitate florerent, nihil prohibebat, quo minus a singulis Sanctis Sanctis parentur. Lib. I. ostendimus, ea ætate adoratam fuisse Eucharistiam, nihilque divino ejus cultui saltem repugnans aut contrarium apud S. Justinum reperi. Nihil

hil igitur officit adorationi, libenter  
fateri, olim omnes, qui sacræ Litur-  
giæ intererant, communicasse, seu  
Eucharistiam excepisse.

Eandem consuetudinem perseve-  
rantiam retinuisse tempore Tertulliani  
non inficiamur, idque manifeste in-  
telligi ex libro de Oratione cap. 14.  
*Similiter & stationum diebus non putant*  
*plerique sacrificiorum orationibus interve-*  
*mendum, quod statio solvenda sit accepto*  
*Corpore Domini.* Sed perperam Dal-  
læus sese ab adoratione confutanda  
deduxit, ut ostenderet Tertullianum  
eo loci transsubstantiationi repugnare.  
Unde, ut obiter id dicam, ( inquit “  
pag. 255. libri II. de objecto Cultus “  
religiosi ) id quoque tum temporis “  
a plerisque Christianis creditum, & “  
pro certo atque indubitato habitum “  
fuisse constat, Eucharistiæ esu solvi “  
jejunium; quod quomodo cuiquam “  
in mentem venire potuerit, qui Eu- “  
charistiam non panem, sed ipsam “  
Corporis Domini cælestem substan- “  
tiam esse crediderit, dicat qui po- “

L 3 test;

„test; ego quidem non capio. Vehementer delusus est Dallæus, eo quod sibi persuaserit, Tertullianum hac voce *stationis* tantummodo jejunium significare: quod faciliter poterat dediscere ex doctissima ad hanc vocem observatione illustrissimi Sorbonæ Socii, Gabrielis Albaspinæ, Episcopi Aurelianensis, lib. I. cap. 16. & intelligere, stationem non esse jejunium, nec orationem; sed longam & diuturnam in Ecclesia permanzionem, qua quidem durante & orabant & jejunabant Christiani. Arguit ergo eos Tertullianus, qui in his permanzionibus a Corpore Christi abstinebant: quia receptione Eucharistiæ tempus mœroris, luctus, orationis & jejunii claudi ac finiri debere sibi persuadebant; non quia jejunium ipsum solvi ac frangi reputabant. Quem ad modum post Concilium Carthaginense III. omnes fideles non nisi jejuni communicare debent, & revera Eucharistia percepta claudit ac finit tempus jejunii, licet jejunium non nisi car-

carnibus aut aliis comestis esculentis solvatur; sic communio Paschalis solvit tempus jejunii Quadragesimalis, non jejunium Quadragesimæ: alias Eucharistiam recipere toto tempore dierum eserialium vetitum fuisset.

II. Sed instat firmiter Dallæus ex S. Joanne Chrysostomo, Homilia 3. in Epist. ad Ephesios, pag. 1051. edit. Hier. Commelini, anno MDXCVI. in qua sic ait: πᾶς γὰρ ὁ μὴ μετέχων τῶν μυστηρίων ἀναγκάριος οὐκ ἴταπώς ἐσηκώς. *Omnis enim qui non est particeps mysteriorum, impudenter & audacter stat.* Et infra, de iis qui sacræ Liturgiæ, postposita communione, intersunt: ἡ βέλτιον τὸν τοιότον μηδὲ ἀδηλόθεα; *Nonne melius esset ejusmodi nequaquam adfuisse?* Verum nihil hic dicit Chrysostomus, quod non ori concessionis Christiani hodie possit induci. Duos abusus sibi invicem contrarios & repugnantes carpit, qui sua ætate populum Christianum deformabant: quidam enim bene ac sincere parati communionem Corporis Christi percipere negligebant;

alii vero, quamvis criminibus inqui-  
nati, occasione data festi Paschalis,  
aut pentecostes, ad sacram mensam  
temere accedere non pertimescebat.  
**Sic eos arguit S. Chrysostomus:** πολλῶ  
όρῳ τῷ πεάγματος ἀνομαλίᾳ· ὃν μὲν τοῖς ἄλλοις  
καρεσὶ σὸδε, καθαροὶ πολλάκις ὄντες, ωφελεῖχεσθε·  
ὅν δὲ τῷ πάχα, κανὸν ἢ τὸ πετολυμηδόνιον ὑπὸν,  
ωφέλειται. ὡς τῆς σωτηρίας: ὡς τῆς ωφελήσεως.  
**Multam video rei inæqualitatem:** in aliis  
quidem temporibus, quum mundi quidem  
ſæpe sitis, non acceditis: in Paschate au-  
tem, etiamsi aliquod scelus a vobis sit ad-  
missum, acceditis. **O consuetudinem! O**  
**præumptionem!**

Sed tantum abest ut ex his conse-  
quatur, omnes qui sacræ Liturgiæ in-  
tererant, communicasse: ut econtra  
planissime constet, multas Liturgias  
absque communicantibus quotidie ce-  
lebratas fuisse. Hoc enim ex conce-  
ptis verbis S. Chrysostomi intelli-  
gimus eadem Homilia: Εἰκῇ θυσία καθημε-  
ρηνή, εἰκῇ παρεστήναμεν τῷ θυσιαστήρῳ· σὸδεις ὁ  
μετέχων. Ταῦτα, σὺν ἣντα πάλως μετέχητε, λέγω,  
ἄλλ’ ἵνα αἴσιος ἐσαυτοὺς κατασκόλωθεντες. **Frustra**  
**est quotidianum sacrificium, frustra adia-**  
mus

mus altari: nemo est, qui participet. Hæc dico, non ut solum participetis, sed ut vos dignos reddatis. Igitur bona fide fatemur, ineunte ætate Ecclesiæ Catholice, omnes qui intererant Liturgiis, fideles singulatim communicasse. Sed adulta ætate, & continenti tempore S. Chrysostomi, quadam negligentia pietatis succum vorante, multæ Liturgiæ absque communicantibus celebrari cœperunt, usu pristino tabescente, aut senescente. At ex his neutiquam consequitur, prætermissam fuisse adorationem Eucharistiæ, quam perspicuis verbis docet S. Chrysostomus, ut lib. I. cap. 7. ostendimus amplissime. Insuper vero Ecclesia vehementer flagrat desiderio restituendæ pristinæ consuetudinis, atque una sanitatis & pietatis, quam majores nostri florentissimam reliquerant; ob quam quotidiana Corporis Christi participatione dignati sunt. Optaret quidem, inquit Concilium Tridentinum Sess. XXII. cap. 6. sacrosancta Synodus, ut in singulis Missis fideles adstantes, non solum

spirituali affectu, sed sacramentali etiam Eucharistiae perceptione communicarent, quo ad eos hujus sanctissimi sacrificii frumentus uberior proveniret: nec tamen, si id non semper fiat, propterea Missas illas, in quibus solus Sacerdos sacramentaliter communicat, ut privatas & illicitas damnat, sed probat, atque adeo commendat.

### CAPUT VIII.

Diluuntur argumenta assumpta ex pompis exhibitis ad Sacramenti venerationem: cereis accensis, suffitu, floribus, quibus altaria exornantur, & iconibus Eucharistiae, a Jesuitis apud Indos fabricatis.

**U**ltro fatemur, ejusmodi cultus exterioris notas inventum habere difficultem apud veteres Christianos: sed cum adoratio interior in spiritu & veritate, Corporis Christi in Eucharistia, ineunte aetate Ecclesie, ita ut adulta & senili, semper factita-